

سنة لى در سعادت ايجون مجديه
بكرى غروش حسابيله التمش
غروشدر

طشره ايجون بوسته اجرتى اوله رق
اون بش غروش ضم اولنور

نسخه سى ٤٠ پاره در

قانون ايتام

آبونه اولقى ايتاملار دائره عدليه ده
اداره مخصوصه سنه مراجعت
ايتاملار

اعلاناتك بهرندن بر مجديه اخذ
ايديلور

نسخه سى ٤٠ پاره در

هفته ده ايكي دفعه جمعه ايرتسى و چهارشنبه كونلى نشر اولنور . محتوياتى امور عدليه به متعلقدر

تبليغات

٦٧١ نومرولى نسخه ده مندرج اموال ايتام

نظامنامه سنك بقيه سى :

طقسان دردنچى ماده طشره ايتام مجلسلى
بهر سنه ختامنده دفاتر و قيوداته مراجعتله اموال
ايتامدن ادانه اولنان اچهلردن حاصل اولان نمانك
و مستدينلردن بالتحصيل ايتام صندوقلرينه اعاده و تسليم
قلنان اچهلرك مقدارينى و ايتام اصحاب عقارات
واسهامدن اولدينى صورتده نه قدر اجورات و فائض
استيفا قلنديغنى و بونلردن ايتامك نفقه مقدره
و خصوصات سائر ضروريه سنه نه مقدار اچله خرج
و صرف ايدلديكنى و صندوقلرك موجودى نه دن عبارت
ايدوكنى مكملاً تدقيق و حساب اينديردك نهايت
اوج آى ظرفنده نمونه سى وجهله ايكي نسخه اوله رق
سال محاسبه دفترينى تنظيم و زيرينى ايتام مديرلى ايله
محاكم شرعيه باش كاتبلرينه تختم ايتديردكن صوكره
مجلسجه بعد التصديق بونلردن برينى محاللى ايتام
صندوقلرنده حفظ ايله ديكر نسخه سنى مقام مشيخته
تقديم قلمق اوزره نواب شرعه اعطا ايدرلر اشبو
مدت معينه ظرفنده سال محاسبه دفترلى تنظيم و اسباب
ايدلديكى حالده معين اولان مدت ظرفنده حساب
و يرمان مامورلر حقنده اجرا ايدلمكده اولان مجازات
نواب و ايتام مديرلى حقنده اجرا اولنه جق
و مصارف متفرقه و قرطاسيه اونجى فصلده بيان
قلنديغى وجهله ايتام مديرلى ايله معيته تخصيص اولنان
واردادن تسويه ايديله جكدرك .

اونجى فصل

آله جق خرجلرك مقداريله و يريله جك محملرك

بياننه دائردر

طقسان بشنجى ماده محاكم شرعيه طرفندن

تحرير اولنان تركه لردن مصارف و ديون و سائر
اخراج اولندقدن صوكره باقيسندن يعنى بين الورثه
تقسيم اولنه جق اچهنك يگونندن رسم قسمت اوله رق
غروشده برپاره و قيديه دفتر ناميله بيك غروشده اوج
غروش آله جقدر .

طقسان التنجى ماده اموال ايتامدن ادانه اولنان
مبالغ مقابلنده اموال منقوله و املاك صرفه رهن
ايدلديكى صورتده بيكده برغروش و كدكات و توسيع
انتقالى اجرا اولنش مسققات و طشره ده كى اراضى
اميريه و تخصيصات قيلندن اولان اراضى موقوفه
استغلال ايدلديكى تقديرده بيكده بش غروش و قرق
دردنچى ماده موجبجه يالكز كفلا ايله ادانه اولنديغى
تقديرده بيكده اون غروش خرج آله جق و تجديد
اداننده اصلنه تبعاً عين خرج استيفا ايديله جكدرك
ادانه حجتلرينك قيدرلى ايجونده بيكده برغروش
قيديه آله جق و ترقين قيدنده خرج آلميه جقدر
املاك صرفه و كدكات و توسيع انتقالى اجرا اولنش
مسققات و اراضى اميريه ترهين و يا وفاء فراغ اولندقدن
دفتر خاقانجه مرهونات متعدد اولسه بيله ترهين و فراغ
وفكننده انجق قرق پاره كاتيه آله جق و دوائر
بلديه جه ترهين و استغلالده و كرك فك رهن و استغلالده
يالكز برر غروش علم و خبر خرجى آله جقدر .

طقسان يدنجى ماده اوج سنه ده بر كره
و حسب الايجاب دها اول برمدنده اموال ايتامك
محاسبه سى رؤيت اولندقدن تحصيل اولنان وارداتك
يگونندن يتيم و اموال يتيم حقنده صرف ايديلان
مبالغ اخراج اولندقدن صوكره فضله قالدور ايسه
اشبو فضله واردادن غروشده برپاره خرج محاسبه
آله جق فضله قالمز ايسه خرج آلميه جقدر بوضورتله
بلا خرج رؤيت ايديله جك اولان محاسباتدن كتبه
شرعيه ايجون اجرت قلميه اوله رق اليبليك غروشده قدر
اون غروش آله جق و اليبليك دن يوز اللى بيكه قدر هر
اون بيكده ايكي غروش ضم ايديله جك و بواجرتك
مقدارى نهايت يوز اللى غروشى تجاوز ايميه جكدرك .
طقسان سكرنجى ماده تحصيلدار و تحصيلدار

اوليان محالدرده ايتام مديرلى معرفتيله تحصيل قلنان
ريج و عقارات اجرتلردن و مستقرضات خزينه نالردن
يوزده بش غروش آله جقدر .
طقسان طقوزنجى ماده مواد سابقه ده محرر
اولان خرجلردن رسم قسمتك ثلثى در سعادته
كافى السابق كتبه يه و ثلثانى با فرمان على مأمور وغير
موظف حكامه و خرج محاسبه ايله خرج ادانه ك ثلثى
در سعادته ذكرى مسبق حكامه و بر ثلثى ايتام
مديريتى هيئته و ثلث باقىسى ايكيلى برلى حسابيله
تركه كاتيله محضرلره و يريله جك و طشره ده خرج
محاسبه ايله خرج ادانه ك ثلثى ايتام مديرلى و معيته
و ثلثانى مال صندوقه تسليم اولوب رسم قسمت
و سائر و ثائق شرعيه خرجلرله برلشديرلرك هر آى
باشنده اول باول كتبه و خدمه شرعيه عائداتى افزاز
ايله اصحابنه تسليم اولنه جقدر دلايله ك در سعادته
يكرمى سهمدن التى سهمى دلالره و التى سهمى تركه
كاتبه و ايكي سهمى محضرلره و التى سهمى ايتام مديريتى
هيئته عائد اوله جق و طشره ده دلايله ك يكرمى
سهمده اون ايكي سهمى ايتام مديرى و معيته و بشى
دلاله و اوچى كات و محضره اعطا اولنه جق و قيديه ك
نصفى مقيدلره و نصف ديكرى در سعادت و طشره ده
ايتام مديرى هيئتلرينه و يريله جكدرك .

يوزنجى ماده ريج و عقارات اجرتلردن
و مستقرضات خزينه نالردن آله جق طقسان سكرنجى
ماده ده بيان اولنان مبالغ كاملاً در سعادته ايتام
مديرى هيئته و طشره ده ايتام مديريله معيتلرينه عائد
اوله جقدر .

يوز برنجى ماده طقسان سكر و طقسان
طقوزنجى ماده لرده ايتام مديرى هيئتلرينه عائدتى
بيان اولنان مبالغدن در سعادته عائد قسمى قارشولق
اتخاذ اولنه رق در سعادت ايتام مديريله معيتنده بولنان
مأمورين و كتبه و سائر يه مجلس اداره اموال ايتامجه
مقدارى قرارلشديريله جق معاشاتك تخصيصى مقام
مشيخته مفوضدر . مبالغ مذكوره دن طشره ايتام
مديريتلرينه عائد قسمك ايتام مديرلريله معيتنده

کاتب وسائر استخدامنه لزوم کوردلیکی حالده آبلر
بیننده صورت تقسیمی ده طشره ایتم محلسلرنده
قرارلشدیر یله جقدر . معیتلر نده کاتب وسائر
استخدامنه لزوم کورلیان محلسلرده کی عائداتی کاملاً
ایتم مدیرلی آله جقدر .

یوز ایکنجی ماده ترکدن استیفا سنه حکم
اولان مبالغ ایچون محکوم هک مقدار و قیمتته نظراً
دایندن غروشد برپاره ونی وجه شرعی و بلاینه
معارضدن منعی حاوی اولان سندات شرعیه ایچون مقطوعاً
اللی غروش خرج استیفا اولنه جقدر . مصالحه
شرعیه بی حاوی اولان سندات ایچون اگر بدل
صلح ترکیه عائد ایسه کذلک مقطوعاً اللی غروش
و خارجه عائد اولدیغی صورته بدل صالح نه مقدار
ایسه غروشد برپاره خرج آله جقدر .

یوز اوچنجی ماده اثبات وراثت اعلام و جتلیری
ایچون حصه ارثیه نك مقدار و کمیته نظراً غروشد
یارم پاره خرج استیفا اولنور .

یوز دردنجی ماده ایتمک عهده سنده بولنان
املاک و مسقفانک آخره بیع و فراغی ایچون طشره محاکم
شرعیه سیله منحصرأ قسمت محکمه سندن ویریه جک
اذن جتیلرندن ایتم حصه لر نك مقدار قیمتته نظراً
بیک غروشد بش غروش خرج آله جقدر .

یوز بشنجی ماده ترکانه متعلق هر نوع اعلام
و حجت و دفتر قسام و الحاصل بالجله سندات شرعیه نك
خرج و نسخه ثانیه لری ایچون خرج نسبی آلتایوب
مقطوعاً اللی غروش خرج آله جقدر .
یوز التنجی ماده ایتم ایچون دسی و تقدیر نفقه
وعیده و امثالی و نائق شرعیه دن قطعاً خرج آلتایوب
فقط تحمیلنه کوره مقطوعاً بش غروش مقیده عائد
اولق اوزره اون بش غروشد نهایت یکرمی بش
غروشه قدر کاتب و مقید ایچون قلمیه و قیدیه اخذ
اولنه جقدر .

یوز یدنجی ماده تحریر ترکه ایچون خرج
خصوص نامیه هیچ برانجه آلتایوب انجق محلسلرنده
استماع و فصل دعاوی و نصب وکیل و ادانه و استدانه
و ابرا و مصالحه و تخلیف ضمنده کوندریلان کتبه
وامنا ایچون اشبو محلسر داخل شهرده ایسه اللی
غروش و خارجه شهرده ایسه بعد مسافه کوره یوزدن
یوز اللی غروشه قدر خرج خصوص آله جقدر .

یوز سکزنجی ماده ترکات خصوص سندن طولانی
ترکیه ایچون محلسلرینه مأمور کوندردلیکی حالده مأمور
مذکور ایله معیتده بولنان امنا شرع ایچون اشبو
محلسر شهر داخلنده ایسه یکرمی بش خارچنده ایسه
یوز غروش خرج ترکیه آلتوب اصلاً زیاده برشی
آلیه جقدر .

یوز طقوزنجی ماده محاکم شرعیه ده استماع
اولنان شهودک ترکیه سی محاکم مذکورده اجرا
اولنوبده محله لاجل التزکیه مأمور ارسالنه حاجت
مس ایتم ایسه خرج ترکیه نامیه ارباب مصالح
طرفندن برشی اخذ و مطالبه اولنیه جقدر .

یوز اوینجی ماده مواد سابقه ده بیان اولنان
خصوصات متنوعه ضمنده مأمور کوندریله جک محل
حیوان و قایغه حاجت مس ایتمک درجه لره بعید
اولور ویرکونده کیدیلوب کلنیه لرک برکیجه ویا یکی کیجه
ودها زیاده قالمق لازم کلور ایسه کوندریلان مأمورک
خرج خصوصدن ماعدا حیوان و قایق کراسی اصحاب
مصالح طرفندن تسویه اولنه جقدر .

یوز اون برنجی ماده مواد سابقه ده بیان اولنان
خصوصات ضمنده کوندریلان کاتب خرج خصوص
و خرج ترکیه نامیه آله جی خرجک مقدار و کمیته
ضابطی طرفنه افاده و استیذان ایدوب رخصت آلامدجه
خود بخود اخذ ایدمه جقدر .

یوز اون ایکنجی ماده محاکم شرعیه دن
ویریه جک دفتر قسام و هر نوع و نائق شرعیه بالتظلم
اصحابی یدینه ویرلدکجه هیچ برصورته خرج آلیه جق
و نظاماً اکمال معامله ده آله جق خرجلر ایچونده
حکامک موظف اولمادیغی محلسلرده خرج مأمورلری
و موظف اولدقلری محالده صندوق امنای طرفلرندن
مقبوض علم و خبری اعطا ایدیه جقدر .

یوز اون اوچنجی ماده سلیک عسکریده
و سلاح آلتنده بولنلارندن ملازم ثانینک مادونی
اوله رق وفات ایدنلرک مخلفات سندن خرج قسمت
و بومثللو مخلفات ایچون ورثه ویا وکیلرینه اعطا
اولنه جق اعلاملرندن دخی خرج آلتایوب بونلر بول
رسومندن دخی معاف طوتیه جقدر حرب اوزرنده
وفات ایدن نفرات ایله بیوک و کوچک بالعموم ضابطان
ترک لری حقننده اولوجه له معامله اولنه جقدر .

یوز اون دردنجی ماده محاکم شرعیه اداره سنده
بولنان نقود موقوفه نك اموال ایتم سندن فرقی
اولمادیغندن نقود مذکوره ایتم مدیریته دور و تسلیم
و کافه معاملاتی اشبو نظامنه احکامنه توفیقاً اجرا
اولنه جقدر .

یوز اون بشنجی ماده بالجله ممالک محروسه
شاهانه محاکم شرعیه سنجه اشبو نظامنه احکامی تماماً
مرعی الاجرا طوتیلوب خلاقه حرکت ایدن مأمورین
و کتبه اصوله توفیقاً تحت محاکمه آله جقدر .

یوز اون التنجی ماده اوقف و مالیه بیت المال
قسما مقلرنده بیت الماله عائد اولان و اشبو نظامنه
مخالف اولمیان مواد مخصوصه و کفالت متسلسله حقننده کی
فرمان عالی احکامی کاکان جاری اولوب ترکت

و ایتمه متعلق بالجله اوامر و نظامات و تعلیمات احکامی
اشبو نظامنه نك تاریخ نشرندن اعتباراً مفسوخدر .
یوز اون یدنجی ماده مقام مشیخت اسلامی
اشبو نظامنه احکامک اجرا سنه مأموردر .

فی ۴ ربیع الاول سنه ۱۳۲۴

وفی ۱۵ نیشان سنه ۱۳۲۲

محاکمات مختصه

محکمه تمیز استعدا دائره سندن تنظیم و اعطا
قلمن اعلامدر :

آطنه ولایتی مرکز بدایت محکمه سی جزادائره .
سندن استیفا قلاق اولوب ۵ نیشان سنه ۳۲۱ تاریخده
تفهیم قلمن قراردی حاوی ۵ نیشان سنه ۳۲۱ تاریخی
و ۱۰۱ عدولی اعلامک تمیزاً تدقیقی مستعدی
مرسین قصبه سنده مقیم کراسه جی ارسالان اوغلی
پیلو در اخص افندی طرفندن ویریلان ۱۱ نیشان
سنه ۳۲۱ تاریخی استعدا نامه و اوراق متفرعه سی
باش مدعی عمومیک مأموریت بهیه سنک ۶ اغستوس
سنه ۳۲۳ تاریخی تبلیغ نامه سی ایله محکمه تمیز استعدا
دائره سنه تودیع اولمش و استعدا نامه مذکورک مدت
و شروط قانونیه سنه موافق اولدیغی بالتدقیق
اکلاشلمش اولغله بالقبول تدقیقات تمیز به اجرا سنه
ابتدار قلندی .

اعلام مذکورک خلاصه مالی میری اورمانندن
بلا رخصت اشجار قطع و کراسه اعمال و اتلاف
ایتدیکی ادعاسیله مظنون علیه اولان پیلو در اخص
افندیک تیش ایکی بیک ایکی یوز کسور غروش جزای نقدی
و تضمینات ایله محکومیه دائر لاحق اعلام ابتدائینک
تصدیقی متضمن تنظیم و اعطا قلمن اعلام استیفا نیک
تمیزاً بعض اسباب قانونیه دن طولانی نقض و اعاده
ایدلمی اوزرنه محکمه استیفا نه جیه بوکره جریان
ایدن محاکمه و تدقیقات نتیجه سنده مرقوم پیلو
در اخص افندیک متعهدی بولدیغی طوغان طانی
نام میری اورمانندن خلاف اصول و قانون اوله رق
سکر یوز تیش طقوز عدد اشجار متنوعه قطع
و کراسه اعمال و اتلافی ایتش اولدیغی و مذکور
اشجاردن یوز سکان ایکی عددی دخی بعد القمع
و اورمان سوارلرک نه مخصوص تمغا ایله تمغا لدریدیغی
اولباید تنظیم قلمن ضبط ورقه سی و صورت کشفیاتی
حاوی راپور محتوای ومع القسم استماع اولنان شهودک
شهادت لریه ثابت اولسنه منی حرکتته توافقی ایدن
اورمان نظامنامه سنک اوتوز اوچنجی و اوتوز سکزنجی
و اوتوز طقوزنجی و والی برنجی ماده لری احکامنه

سیدو طیشاری به چیقارلیدیغی حالده تکرار کله رک
قولی ایچنده بولنان بجاقله حسینک باشندن و قولندن
جرح ایله فرار ایلدیکی کوردیکی مضبوط افاده سی
وجهله اخبار و شهادتی حاضر بولنان متهم حقننده
ایدوکنی تذکار ایلدی .

کمر عمله سندن اولدیغی و غلطه ده کرج قپوسنده
ساکن ایدوکنی بیان ایدن اون سکر یاشنده بتلیسی
قاسم بن یوسف وقعه کیجه سی متهم سیدونک سکر
حال اوله رق داودک قهوه خانه سنه کلوب حسینه
اطاله لسان ایتدیکی و مرقوم سیدو طیشاری به
چیقارلش ایکن تکرار کله رک مرقوم حسین طوقا له
ضرب و بجاقله دخی باشندن و قولندن جرح ایتدیکی
مشاهده ایلدیکی افاده مضبوطه سی دائره سنده یاد
والدی السؤل مجروح حسینده بجاق کورمدیکی
و شهادتی حاضر بولنان متهم حقننده اولدیغی ایراد
ایلدی .

بیه کمر عمله سندن اولوب کرج قپوسنده اقامت
ایتدیکی اتیان ایدن یکرمی بش یاشنده سهردی عباد
بن عبدی وقعه کیجه سی متهم سیدونک سکر حال
اوله رق بالورود قهوه خانه ده بولنان حسین ایله منازعه یه
باشلامسیه سیدونی قهوه خانه دن چیقاردیغی و مرقوم
سیدو تکرار کله رک بجاقی چکوب حسین باشندن
و قولندن جرح ایله فرار ایلدیکی کوردیکی افاده
مضبوطه سنه موافق اوله رق درمیان ولدی الاستفسار
سیدونک بجاقی بلند چیقاردیغی و حسینده بجاق
کوردیکی و شهادتی حاضر بولنان متهم عائد ایدوکنی
بیان ایتدی .

غلطه ده کرج قپوسنده صالح اونباشینک
قهوه خانه سنده اقامته کورجیلک ایتدیکی افاده ایدن
یکرمی بش یاشنده بتلیسی احد افان عاشر وقعه
کیجه سی متهم سیدونک قهوه خانه یه کله رک حسین ایله
منازعه یه باشلادیغی و برطاقم اطاله لسان ایدره رک بجاقله
حسینی باشندن و قولندن جرح ایلدیکی کوردیکی
مضبوط افاده سی وجهله اخبار و عند الاستیضاح
حسینده بجاق کورمدیکی و شهادتی حاضر بولنان
متهم عائد اولدیغی تذکار ایلدی .

بوشاهدلرک هر برینک شهادتی ختام بولدجه نه
دیه جکی متهمدن صورلدنده سبب بیان ایتیه رک قبول
ایتیه جکی سوبلدی .

دیگر شاهد غلطه ده قره اوغلان زقاغنده اقامته
قهوه جیلک ایتدیکی بیان ایدن اوتوز یاشنده سهردی
داود بن عیسی وقعه کیجه سی متهم سیدونک سکر
حال اوله رق قهوه خانه سنه کلوب حسین ایله منازعه یه
باشلادیغی و سیدو طیشاری چیقارلیدیغی حالده تکرار

کله رک حسین طوقات اورمسیه یکدیگرینه سارلدقلری
وسیدونک فرار ایتسیه حسینک باشندن و قولندن
مجروح اولدیغی کوردیکی و مشتری به قهوه ویرمکه
اولدیغندن سیدونک حسین نه صورته جرح ایتدیکی
کورمدیکی و حسینده دخی بجاق بولدیغی مشاهده ایتد
یکنی اخبار و استیفا نامه سنده حسینده بچان کوردیکنه دائر
برسوز سوبلدیکی و بوجهتی دوشوب حقیقی سوبلی
لازم کلدیکی اخبار ایلدکده حسینده بجاق کوردیکی
سوزنده اصرار و بالمواجهه دیگر شاهدلرک کندوسنی
صراحه تکذیبه ابتدار ایلرینه نظراً شاهد مرقوم
داودک استیطاق دائره سنده واقع اولان افادته و دیگر
شاهد عثمان و قاسم و عبده و احمدک شهادته مخالف
اوله رق حسینده بجاق کوردیکی بیان ایتک صورته یه
نوع جرمی تغییر ایلک غرض و یتیه شهادت کاذبه ده
بولدیغی ریاستجه حس ایلدیکنندن ماده مخصوصه
قانونیه سی موجبجه مرقوم داودک توقیفیه مستطبق
تعیین اولنان محکمه استیفا اعضا سندن عزتو شوق
بک معرفتیه حقننده تحقیقات اجرایی تنسیب
اولدیغی اکلا دلقدن سوکره عند الاستیضاح طرفین
توسیع تحقیقاته متعلق طلبلری اولدیغی سوبلرله
تحقیقاتک بوندن عبارت ایدوکی بیان اولدقدنه معاون
موسی ایله متهم سیدونک قتل قصدیه حسین باشندن
و قولندن جرح ایتدیکی و حسینک اشبو حرحک
تأثیریه صول قولیه پارمقلرینک حرکات طبیعی سنک
بشده دردنی ضایع ایلدیکی شاهدلرک شهادتی و معاینه
راپوری مندرجاتی ایله ثابت اولدیغندن بالبحث مرقوم
سیدونک اولوجه له مجرمیه قرار ویرلمسنی طاب
و ادعا ایلدی .

(بقیه سی کله جک نسخه یه)

لازارینک امواله ایراث خسار ایلدیکی تبین
ایدن صبریدن اون بشلک جزای نقدی آلتسنه
و خسار بدلی اولان ایکی مجیدیه نك تضمین ایتدیرلمسنه
بک اوغلی بدایت محکمه سی جزا دائره سنجه قرار
ویرلشد .

محاکمات ابتدائیه

یوزاد سنجانجی بدایت محکمه سی اعضای
سابقه سندن قریس افندیکنک مذکور اعضا قلده بولندیغی
صرده سوء استعمالاته مجاسرتی آقره ولایتی
استیفا محکمه سی مدعی عمومیکلندن وارد اولان
اوراق تحقیقیه محتویاتندن مستبان اولسنه منی ایجاب
ایدنر حقلرنده برلکده تعقیبات قانونیه ایفا اولنق

اوزره اعضای سابق مومی الیهک محاکمه آلتنه آلتنه
عدليه نظارت جلیله سنجه ماذونیت ویریلهرک محله
تبلیغات مقتضیه اجرا ایدلشد.

الاعانات

انجمن اداره عدليه

عدليه نظارت جلیله سی دائره سیله محاکم
مربوطه سی ایچون مبايعه ایدیهلک اولان التیوز
چکی کورکن والتیوز چکی میشه خطب ایله یکریمی
بشیک قیه جدید استرانجه کورینک تاریخ اعلاندن
اعتباراً مناقصه سنه ابتدار اولوب شهر حال رومینک
اوتوزنجی چهارشنبه کونی قرار موقتی و مایسک
یدنجی چهارشنبه کونی یوزده بش تزیلات قبولیه
قرار قطعیه اعطا قلنه جفندن سالف المقدار خطب
وکوری اعطایه طالب اولان و شرائطی اکلامق
ایستیلرک ایام مذکوره ظرفده هرکون ساعت
بشدن اونه قدر محاسبه ویا انجمن اداره عدلیه
مراجعت ایلری اعلان اولور.

درمعات استیناف مدعی عمر میلیک مأموریت بره سنه :

اوچیز یکریمی اوچ سنه سی اغستوسنک اون
ایکینجی بازار کونی اقشامی ساعت یازم راده لرنده
بیوکدرده دره ایچنده نیقولینک میخانه سنده بالمنازعه
لیغوری جرح و قتل وعلقوی جرح ایتدیکی ادعا
قلنمسندن طولانی متهم بولنان اوزون بویلی ، طوپارلاق
آلینلی ، اورتی برونلی ، کستانه کوزلی ، اورتی
آغزلی ، مطروش چکیلی ، سیاه قاش و صاچلی ،
بغدا ی بکزی تخمیناً یکریمی یاشلرنده قیوطاغلی یورکی
ولد قسطنطی حقهده اصول محاکات جزایه قانوننک
اوچیز یتیش برنجی ماده سی موجبجه معامله مقتضیه
ایفا و محاکمه غایبه سی بالاجرا نتیجه سنده مرقومک
افعال مذکوره جرأی ثابت اولدیغندن قانون
جزانک یوز یتیش دردنجی ماده سنک فقره اولاسنه
توفیقاً اون بش سنه مدته کورکه قونلشنه و اوتوز
برنجی ماده قانونیه منطوقجه حقوق مدنیهدن بالاسقاط
اموال محجوزه سنک اداره ایتدیلمسنه محکمه جنایتدن
حکم اولمش و اصول محاکات جزایه قانوننک
اوچیز یتیش یدنجی و اوچیز یتیش سکزننجی
و اوچیز سکسان برنجی ماده لرله مواد سائره سی
احکامنه توفیق معامله اولمش مرجعه بیلدیلمش
اولغله مذکور اوچیز یتیش سکزننجی ماده نک جمله
احکامندن اولدینی اوزره اعلان کیفیت ابتدار قلندی .

اوچیز یکریمی اوچ سنه سی اغستوسنک یکریمی
سکزننجی صالی کونی کوچک چکمهجه قضاسی
داخلنده قوطورینا و تاتارجق چفتلکی مرعاسنده
اسماعیلی جرح و قتل ایلدیکی ادعاسیله متهم بولنان
و مقدمات قضاء مذکور داخلنده پوجدار چفتلکنده
قوریحیق ایدن و مناسر ولایتک دبره سنجای داخلنده
پرووج قریه سی اهالیسنندن اولان اورتی بویلی ،
طیقنازجه وجودلی ، بغدا ی بکزی ، متناسب برون
و آغزلی ، دوز آلینلی ، صاری بیق و قاش و صاچلی ،
مطروش یوزلی ، الا کوزلی یکریمی بش یاشنده فراری
خلیل بن عزت حقهده اصول محاکات جزایه
قانوننک اوچیز یتیش برنجی ماده سی موجبجه معامله
مقتضیه ایفا و محاکمه غایبه سی بالاجرا نتیجه سنده
مرقومک بالمنازعه اسماعیلی جرح و قتل ایتدیکی ثابت
اوله رق قانون جزانک یوز یتیش دردنجی ماده سنک فقره
اولاسنه توفیقاً بش سنه مدته کورکه قونلشنه
و اوتوز برنجی ماده قانونیه منطوقجه حقوق مدنیهدن
بالاسقاط اموال محجوزه سنک اصولی دائره سنده
اداره ایتدیلمسنه محکمه جنایتدن حکم اولمش
و اصول محاکات جزایه قانوننک اوچیز یتیش یدنجی
و اوچیز یتیش سکزننجی و اوچیز سکسان برنجی
ماده لرله مواد سائره سی احکامنه توفیق معامله اولمش
مرجعه بیلدیلمش اولغله قانون مذکورک اوچیز
یتیش سکزننجی ماده سنک جمله احکامندن اولدینی
اوزره اعلان کیفیت ابتدار قلندی .

اوچیز یکریمی اوچ سنه سی حزیراننک یکریمی
اوچنجی کیجه سی ساعت اوچ بچق راده لرنده
بک اوغلنده اسماعیل حق افندینک اچقه سنی اخذ
و سرقت ایلدیکی ادعاسیله متهم اولوب حال فرارده
بولان و مقدمات آینه لی چشمه ده الی او جاقدر زقاغنده
مارغارونک اوطه باشی اولدینی ۱ نومرولی خانه نک
بر اوطه سنده مجرداً اقامتله بک اوغلنده جاده کیرده
مجدداً انشا ایدلمکده اولان سانتا انتونیو کلیسایسنده
طاشجیق ایتدیکی اکلاشیلان اوزون بویلی ، قره
بیقلی ستره پانطالون و شاپقه اکتسا ایدن بیلاردو
حقنهده اصول محاکات جزایه قانوننک اوچیز یتیش
برنجی ماده سی موجبجه معامله مقتضیه ایفا و محاکمه
غایبه سی بالاجرا نتیجه سنده مرقومک فعل مذکوره
اجتساری اخبارت و دلائل و امارات ایله ثابت اوله رق
قانون جزانک ایکی یوز اون سکزننجی ماده سنه تطبیقاً
اوچ سنه مدته کورکه قونلشنه و اوتوز برنجی ماده
قانونیه منطوقجه حقوق مدنیهدن بالاسقاط اموال
محجوزه سنک علی الاصول اداره ایتدیلمسنه محکمه

جنایتدن حکم اولمش و اصول محاکات جزایه
قانوننک اوچیز یتیش یدنجی و اوچیز یتیش
سکزننجی و اوچیز سکسان برنجی ماده لرله مواد
سائره سی احکامنه توفیق معامله اولمش مرجعه
بیلدیلمش اولغله مذکور اوچیز یتیش سکزننجی
ماده نک جمله احکامندن اولدینی اوزره اعلان کیفیت
ابتدار اولندی .

درمعات بابت محکمه سی برنجی موقوفه دائره سنده :

وزنه جیلرده حاجبی علی محله سنده مقیم مالیه
نظارت جلیله سی دیون عمومیه قلمی کتبه سنندن محمد
رشاد بکک نظامیه فرون طبله کارلرنندن حسین اغانک
اوچیز طقسان ایکی عدد لیرای عثمانی دینه مقابل عهده سنه
ترهین ایلدیکی ایاصوفیه کیرده کاش ۴۹ نومرولی
برباب آشچی دکانیه اوزرنده کی اوطه لر اسکدار نظامیه
فرون مأموری قول اغاسی عثمان افندی طرفندن آله جفنگ
تأمین استیفای ضمننده حجز و اسکدار اجرا دائره سنجه
فروخت ایدیلهرک اثمان حاصله سنندن آله جفی تسویه
ایدلمش ایسه ده مرور ایدن مدت فائضی حکم حاکم
لاحق اولدقجه ادا ایدیه میچکی بیانیله فائض مذکور
دائره اجراجه امانه آلیقولنمش و مرقوم حسین اغا
مقدما مذکور دکانده مقیم ایکن شمدی اقامتگاه
مجهول بولمش اولدیغندن علی الاصول اعلان صورتیه
تبلیغات لازمه بالاجرا مبلغ مزبورک مع اجرای موقت
تحصیلی استدا قلنمش و وقوع بولان تبلیغات قانونیه
اوزرنه مرقوم حسین اغانک اوچ سنه دنبرو نرده
اولدیغنک مجهول ایدوکی اولباده کی دعوتیه ورقه سی
زیرینه ایاصوفیه کیر محله سی طرفندن ویریلان
شرحدن اکلاشلمش اولدیغنه مبنی اصول محاکمه
حقوقیه قانوننک یکریمی اتنجی ماده سی حکمنه توفیقاً
اولباده کی ورقه دعوتیه و استدا صورتی دائره
دیوانخانه سنه بالتعلیق یوم محاکمه نک اوراق حوادثله
اعلان ایتدیلمسی صورتیه تبلیغات مقتضیه قانونیه نک
اجراسنه قرار ویرلمش اولدیغندن اشو ۳۲۴ سنه سی
حزیراننک اون اتنجی بازار ایرتسی کونی ساعت الی
راده لرنده مرقوم حسین اغانک درسمعات بدایت
محکمه سی برنجی حقوق دائره سنده بالذات اثبات
وجود اتمسی و یا خود طرفندن مصدق سندله بروکیل
کوندرمسی و عکسی تقدیرده قانون مذکورک یوز
قرق بشنجی ماده سی حکمنه توفیقاً دعوی مذکوره نک
غیاباً رؤیت و فصل ایدیه چکی اعلانیه ابتدار قلندی .